

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: 107/18

Sarajevo, 21. 02. 2019. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavi roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 107/18 od 08.02.2019. godine, u postupku javne nabavke br. 107/18 „Dezinfekcija, dezinspekcija i deratizacija“ donosi se :

O D L U K A

o poništenju postupka javne nabavke

Član 1.

Poništava se postupak javne nabavke broj 107/18 za nabavku roba : „Dezinfekcija, dezinspekcija i deratizacija“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stranici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 107/18 od 07.09.2018.godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 240.000,00 KM.

Obavještenje o nabavi broj: 247-1-2-214-3-309/18 poslato je na objavljivanje na Portal javnih nabavki dana 11.09.2018.godine a sažetak obavještenja o nabavi objavljen je u Sl. glasniku BiH broj : 63 od 14.09.2018. godine.

Komisija za javnu nabavku imenovana je Rješenjem br. 18-12-01/17 od 18.12.2017 godine. Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine i dopunskim Rješenjem članova komisije broj 107/18-1 od 07.09.2018.g.

Komisija za javnu nabavku dostavila je dana 15.02.2019.g. Preporuku o poništenju postupka javne nabavke roba : „Dezinfekcija, dezinspekcija i deratizacija“ tender broj 107/18.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Za predmetnu javnu nabavku je dostavljeno: 6 (šest) ponuda ponuđača: „Sanacija 3D“ d.o.o. Sarajevo; „Eko-Medic“ d.o.o. Sarajevo; „Kristal“ d.o.o. Sarajevo; JU „Institut za zdravlje i sigurnost hrane“ d.o.o. Zenica; „Sanitacija“ d.o.o. Sarajevo i „IDS – Zdrava sredina“ d.o.o. Sarajevo

- Da su blagovremeno zaprimljene: 6 (šest) ponuda ponuđača: „Sanacija 3D“ d.o.o. Sarajevo; „Eko-Medic“ d.o.o. Sarajevo; „Kristal“ d.o.o. Sarajevo; JU „Institut za zdravlje i sigurnost hrane“ d.o.o. Zenica; „Sanitacija“ d.o.o. Sarajevo i „IDS – Zdrava sredina“ d.o.o. Sarajevo

- Da nije bilo neblagovremeno zaprimljenih ponuda.

Nakon izvršenog otvaranja ponuda Komisija za javne nabavke je dana: 02.10.2018. godine pristupila pregledu i ocjeni pristiglih ponuda u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponuda, dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji, pregledu ostale zahtjevano dokumentacije, aneksa-priloga i pregledu ponuda sa aspekta postavljenih tehničkih zahtjeva u pogledu opisa predmeta nabavke i tehničke specifikacije, a o čemu je dana 26.10.2018. godine sačinila Zapisnik o pregledu i ocjeni ponuda i Preporuku o izboru najpovoljnijeg ponuđača.

Na osnovu preporuke Komisije za javne nabavke, Ugovorni organ je dana 07.11.2018. godine donio Odluku o izboru najpovoljnijeg ponuđača broj: **107/18**, kojom je za najpovoljnijeg ponuđača odabran: **„Eko-Medic“ d.o.o. Sarajevo**.

Konstatovano je da ponuđač „Eko Medic“ d.o.o. Sarajevo nije postupio u skladu sa tačkom 13. tenderske dokumentacije odnosno da kao izabrani ponuđač nije u zadatom roku dostavio zahtjevanu kvalifikacionu dokumentaciju iz člana 45. stav (1) ZJN, te se ponuda ovog ponuđača odbacuje kao neprihvatljiva u skladu sa članom 68 stav 1. ZJN.

Dana 15.11.2018. godine od strane ponuđača „Sanitacija“ d.o.o. Sarajevo je uložena žalba na pomenutu odluku o izboru najpovoljnijeg ponuđača.

Ugovorni organ, smatrajući da su svi istaknuti žalbeni navodi neosnovani, dostavlja žalbu zajedno sa izjašnjenjem na žalbu i kompletnom dokumentacijom Uredu za razmatranje žalbi na odlučivanje po žalbi.

Rješenjem Ureda za razmatranje žalbi BiH broj: JH2-03-07-1-1617-10/18 od 20.12.2018. godine, žalba je usvojena kao osnovana, poništen je akt ugovornog organa – Odluka o izboru najpovoljnijeg ponuđača broj: **107/18** od 07.11.2018. godine, te predmet vraćen ugovornom organu na ponovni postupak.

Postupajući prema navedenom rješenju Ureda za razmatranje žalbi BiH, Komisija za javne nabavke je izvršila ponovni pregled i ocjenu dostavljenih ponuda osim ponude ponuđača „Eko Medic“ d.o.o. Sarajevo koja je odbačena zbog nepostupanja u skladu sa tačkom 13. tenderske dokumentacija, te sačinila Zapisnik o pregledu i ocjeni ponuda kao i Preporuku o izboru najpovoljnijeg ponuđača.

Na osnovu preporuke Komisije za javne nabavke, Ugovorni organ je dana 14.01.2019. godine donio Odluku o izboru najpovoljnijeg ponuđača, izvod broj: 107/18, kojom je za najpovoljnijeg ponuđača odabran: „Sanacija 3D“ d.o.o. Sarajevo.

Dana 23.01.2019. godine od strane ponuđača „Sanitacija“ d.o.o. Sarajevo je putem pošte upućena žalba na pomenutu odluku o izboru najpovoljnijeg ponuđača.

Ugovorni organ, rješavajući po istaknutim žalbenim navodima, je dana 30.01.2019. godine donio Odluku, izvod broj 107/18 kojom se usvaja žalba kao djelimično osnovana te poništava odluka o izboru najpovoljnijeg ponuđača, izvod broj 107/18 od 14.01.2019. godine. Navedenom odlukom ugovorni organ je kao osnovane ocijenio žalbene navode kojima je žalitelj osporavao prihvatljivost ponude izabranog ponuđača u pogledu ponudnog ljepila Brodilon, proizvođača „Detia Degesch – Njemačka“, te ocijenio da je ponuda izabranog ponuđača „Sanacija 3D“ d.o.o. Sarajevo neprihvatljiva.

Predmetni postupak nabavke je vraćen Komisiji za javne nabavke na ponovni pregled i ocjenu ponuda, te je Komisija za javne nabavke je izvršila ponovni pregled i ocjenu dostavljenih ponuda, te konstatovala sljedeće :

Obzirom da je ponuda ponuđača Eko Medic d.o.o. Sarajevo odbačena zbog nepostupanja u skladu sa tačkom 13. Tenderske dokumentacije , to ponuda ovog ponuđača neće biti predmet razmatranja.

Komisija je utvrdila da dostavljene ponude ponuđača „Sanacija 3D“ d.o.o. Sarajevo, „Kristal“ d.o.o. Sarajevo, JU „Institut za zdravlje i sigurnost hrane“ d.o.o. Zenica, „Sanitacija“ d.o.o. Sarajevo i „IDS – Zdrava sredina“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	„Sanacija 3D“ d.o.o. Sarajevo	„Kristal“ d.o.o. Sarajevo	JU „Institut za zdravlje i sigurnost hrane“ d.o.o. Zenica	„Sanitacija“ d.o.o. Sarajevo	„IDS Zdrava sredina“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama Aneks IV; Prilog 3.	DA	DA	DA	DA	DA
2.	Tačka: 14.1 TD: Izjava o ispunjenosti uslova iz člana 47. st. (1) tačka a) i (1) Zakona o javnim nabavkama Aneks V; Prilog 4.	DA	DA	DA	DA	DA
3.	Tačka: 14.1 TD: Potvrda banke o aktivnosti transakcijskog računa koja nije starija od tri mjeseca računajući od dana	DA	DA	DA	DA	DA

R. br.	Zahtjevana kvalifikaciona dokumentacija	„Sanacija 3D“ d.o.o. Sarajevo	„Kristal“ d.o.o. Sarajevo	JU „Institut za zdravlje i sigurnost hrane“ d.o.o. Zenica	„Sanitacija“ d.o.o. Sarajevo	„IDS Zdrava sredina“ d.o.o. Sarajevo
	<p>dostavljanja ponude.</p> <p><u>Tačka 14.3 TD:</u></p> <p>Original ili ovjerena fotokopija važećeg Aktuelnog izvoda iz sudskog registra ovjerena od strane nadležnog organa (Sud, Opština ili notar) ili Original ili ovjerenu fotokopiju važećeg Rješenja o registraciji ovjerenu od strane nadležnog organa (Sud, Opština ili notar) ili ekvivalent odgovarajućeg dokumenta (Član 46. ZJN BiH), kojim se dokazuje da ponudač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.</p>	DA	DA	DA	DA	DA

Komisija konstatuje da ponudači „Sanacija 3D“ d.o.o. Sarajevo, „Kristal“ d.o.o. Sarajevo, JU „Institut za zdravlje i sigurnost hrane“ d.o.o. Zenica, „Sanitacija“ d.o.o. Sarajevo i „IDS Zdrava sredina“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtjevine dokumentacije/aneksa-priloga, konstatovano je sljedeće:

R. br.	Ostala zahtjevana dokumentacija/aneksi-prilozi	„Sanacija 3D“ d.o.o. Sarajevo	„Kristal“ d.o.o. Sarajevo	JU „Institut za zdravlje i sigurnost hrane“ d.o.o. Zenica	„Sanitacija“ d.o.o. Sarajevo	„IDS Zdrava sredina“ d.o.o. Sarajevo
	<p>Tačka 15.TD: Ostala zahtjevana dokumentacija 15.1. Ponudač je dužan dostaviti sljedeće dokumente:</p> <p>a) Original ili ovjerena fotokopija (organ uprave ili notar) važećeg dokumenta izdatog od strane Ministarstva zdravstva FBiH da se aktivni sastojci u otrovima koji će se koristiti u okviru obavljanja usluga DDD, nalaze na listi otrova koji se mogu stavljati u promet u F BiH u skladu sa Rješenjem o utvrđivanju liste otrova koji se mogu stavljati u promet u Federaciji BiH (Sl. novine F BiH 50/08) ili ekvivalentan važeći dokument izdat od strane Ministarstva spoljne trgovine i ekonomskih odnosa BiH;</p>	DA	<p>NE Ponudač nije dostavio zahtjevane dokumente za sredstava iz TD.</p>	DA	DA	<p>NE ponudač za dva sredstva nije dostavio zahtjevani dokument.</p>
	<p>b) Ponudač u ponudi za sva sredstva koja će se koristiti za dezinfekciju, dezinspekciju i deratizaciju (osim za plastične kutije za deratizaciju) treba dostaviti:</p> <p>-Uputstva za primjenu sredstava za dezinfekciju, dezinspekciju i deratizaciju (osim za plastične kutije za deratizaciju).</p> <p>Uputstva mogu biti izdata od strane proizvođača sredstva, kopirana sa originalne ambalaže, ili preuzeta sa web stranice proizvođača sredstva, distributera, ponudača ili slično. U uputstvima mora biti naveden naziv aktivne komponente i koncentracija aktivne komponente.</p> <p>Ugovorni organ će prilikom izvođenja radova kontrolisati slaganje sadržaja uputstva dostavljenog uz ponudu i originalnog uputstva koje mora biti na ambalaži ili u originalnom pakovanju prilikom izvođenja radova.</p>	NE	DA	<p>NE Ponudač nije ponudio grupu otrova koja su zahtjevana TD.</p>	<p>DA ali ponudač nije u cjelosti ispunio traženo jer je u TD zahtjevano da za obavljanje deratizacije u adhezivni mamac mora biti uključena ljepljiva podloga i rodenticidni mamac a ponudač je ponudio samo ljepljivo za deratizaciju bez rodenticidnog mamca.</p>	DA

R. br.	Ostala zahtjevana dokumentacija/aneksi-prilozi	„Sanacija 3D“ d.o.o. Sarajevo	„Kristal“ d.o.o. Sarajevo	JU „Institut za zdravlje i sigurnost hrane“ d.o.o. Zenica	„Sanitacija“ d.o.o. Sarajevo	„IDS Zdrava sredina“ d.o.o. Sarajevo
	-Sigurnosno tehničke liste za sve preparate (otrove). U objektima pogona vodovod se ne smiju koristiti sredstva za dezinfekciju koja su korozivna. Napomena:navedeni dokumenti pod tačkom b), se mogu dostaviti u formi obične kopije. Tačka: 16 TD:	DA	DA	DA	DA	DA
2.	Pismena izjava ponuđača iz člana 52. Zakona o javnim nabavkama Aneks VIII; Prilog 5. Tačka: 16 TD:	DA	DA	DA	DA	DA
3.	Obrazac za ponudu Aneks II; Prilog 1. Tačka: 17 TD:	DA	DA	DA	DA	DA
3.1	Popis dokumenata uz ponudu koji čini sadržaj ponude Aneks II; Prilog 1. Tačka: 21 TD:	DA	DA	DA	DA	DA
4.	Obrazac za cijenu ponude Aneks III; Prilog 2. Tačka: 32 i 37 TD:	DA	DA	DA	DA	Ponuđač u specifikaciji koja je sastavni dio „Obrasca za cijenu ponude“ uradio ispravke koje nisu uradene u skladu sa zahtjevima iz TD
5.	Naert okvirnog sporazuma Prilog 7. Tačka: 32 i 38 TD:	DA	DA	DA	DA	Nije potpun član 3 Naertu okvirnog sporazuma
6.	Naert ugovora o javnoj nabavi Prilog 8. Tačka: 44 TD:	DA	DA	DA	DA	DA
7.	Povjerljive informacije Prilog 6.	DA	DA	DA	DA	DA

Pregledom ponuda ponuđača „Sanacija 3D“ d.o.o. Sarajevo, „Kristal“ d.o.o. Sarajevo, JU „Institut za zdravlje i sigurnost hrane“ d.o.o. Zenica, „Sanitacija“ d.o.o. Sarajevo i „IDS Zdrava sredina“ d.o.o. Sarajevo, konstatovano je sljedeće :

- pregledom ponude ponuđača „Sanacija 3D“ d.o.o. Sarajevo, od strane stručnih lica konstatovano je da je za deratizaciju objekata pogona vodovod ponudio sredstvo Brodilon ljepilo i kao proizvođača naveo „Detia Degesch i kao zemlju proizvođača naveo - Njemačka. Uvidom u asortiman proizvoda proizvođača „Detia Degesch Njemačka“ na zvaničnoj web stranici navedenog proizvođača (<https://detia-degesch.de/?lang=en>), konstatujemo da navedeni proizvođač ne nudi sredstvo ljepilo Brodilon niti nudi neka druga sredstva koja bi se koristila kao ljepilo za deratizaciju. Daljim pretraživanjem interneta konstatujemo da ne postoji niti jedna stranica koja bi istovremeno sadržavala pojmove Brodilon i Detia Degesch, što znači da sredstvo Brodilon ni ranije nije bilo dio asortimana proizvođača Detia Degesch. Prema tome, ponuđač Sanacija 3D u ponudi za deratizaciju objekata pogona vodovod nije naveo odgovarajućeg proizvođača niti zemlju proizvođača za sredstvo ljepilo Brodilon. Osim toga, u ponudi je dostavljeno uputstvo za upotrebu sredstva Brodilon ljepilo izdato od drugog proizvođača (GENERA) u odnosu na proizvođača sredstva (Detia Degesch) koji je naveden u specifikaciji ponude. Na osnovu navedenog konstatovano je da ponuđač „Sanacija 3D“ d.o.o. Sarajevo nije ispunio zahtjeve iz tenderske dokumentacije.
- pregledom ponude ponuđača „Kristal“ d.o.o. Sarajevo, od strane stručnih lica za predmetnu nabavku konstatovano je da ponuđač ni za jedno ponudeno sredstvo nije dostavio zahtijevani dokument (izdat od strane Ministarstva zdravstva FBiH ili Ministarstva spoljne trgovine i ekonomskih odnosa BiH) kojim dokazuje da se aktivni sastojci u otrovima koji će se koristiti u okviru obavljanja usluge nalaze na listi otrova koji se mogu stavljati u promet u F BiH, a što nije u skladu sa zahtjevima iz tenderske dokumentacije.
- pregledom ponude ponuđača JU „Institut za zdravlje i sigurnost hrane“ d.o.o. Zenica, od strane stručnih lica za predmetnu nabavku konstatovano je da ponudena sredstva za deratizaciju prema dostavljenom uputstvu od strane ponuđača, kao aktivnu komponentu sadrže bromadiolon 0.005%. Bromadiolon u koncentraciji 0.005% spada u skupinu otrova III grupe iz Rješenja o utvrđivanju liste otrova koji se mogu stavljati u promet u F BiH, a ne u II grupu otrova kao što je to traženo tenderskom dokumentacijom.
- pregledom ponude ponuđača „Sanitacija“ d.o.o. Sarajevo, od strane stručnih lica za predmetnu nabavku konstatovano je da ponuđač nije ponudio adhezivni mamac za deratizaciju (ljepilo za deratizaciju) objekata pogona Vodovod iako je u tenderskoj dokumentaciji jasno navedeno: „U objektima pogona vodovod koristi će se adhezivni mamci za deratizaciju i postavljati u hranilice za glodare, a njihovo postavljanje se mora evidentirati na tlocrtima. U adhezivni mamac mora biti uključena ljepljiva podloga i rodenticidni mamac.“ U tenderskoj dokumentaciji ispod tabele „Specifikacija usluga“ je takode navedeno: *U slučaju da je za izvršenje usluge potrebna primjena više različitih sredstava (kao u slučaju deratizacije objekata pogona vodovod za koje je potrebno pomuditi i ljepljivu podlogu i rodenticidni mamac), u ponudi moraju biti navedene količine svakog od sredstava.* Na osnovu navedenog konstatovano je da ponuđač „Sanitacija“ d.o.o. Sarajevo nije ispunio zahtjeve iz tenderske dokumentacije.

- pregledom ponude ponuđača „IDS - zdrava sredina“ d.o.o. Sarajevo, od strane stručnih lica za predmetnu nabavku konstatovano je da ponuđač nije dostavio zahtijevani dokument (izdat od strane Ministarstva zdravstva FBiH ili Ministarstva spoljne trgovine i ekonomskih odnosa BiH) kojim dokazuje da se aktivni sastojci u otrovima Imadiseet i Glodacid plus meki mamae, koji će se koristiti u okviru obavljanja usluge, nalaze na listi otrova koji se mogu stavljati u promet u FBiH, a što nije u skladu sa zahtjevima iz tenderske dokumentacije.
Također je konstatovano da je ponuđač „IDS zdrava sredina“ u tabeli specifikacije za uslugu „Deratizacija kanalizacione mreže“ u rubrici „količina sredstva“ ponudio 4044 kg i za uslugu „Deratizacija objekata Butila“ 91572 kg sredstva. Ponudene količine su za oko 1000 puta veće od količina koje su u tenderskoj dokumentaciji navedene kao minimalno potrebne količine i takođe za oko 1000 puta veće od količina koje su ponudili drugi ponuđači. Prema tome, ponudena je količina od preko 90 tona sredstva za deratizaciju što je neopravdano velika količina.

Konstatovano je i da je navedeni ponuđač u dostavljenoj specifikaciji, koja je sastavni dio „Obrascu za cijenu ponude“- Aneks III; Prilog 2., izvršio ispravke koje nisu uradene u skladu sa zahtjevima iz tačke 18.1.5 tenderske dokumentacije „Ispravke u ponudi“.

Navedene ispravke su uradene na sljedećim stranama ponude :

- na strani br. 8. ponude za stavku pod brojem 4. „Dezinfekcija objekata pogona vodovod“ u koloni br. 9 „Jedinična cijena u KM“ ponuđač je izvršio ispravku na način da je precrtao raniju cifru i iznad nje upisao novu cifru, ali izvršena ispravka nije potvrđena potpisom ponuđača i nema datuma kada je ispravka izvršena.
- na strani br. 9. ponude za stavku pod brojem 9. „Plastične kutije za deratizaciju“ u koloni br.12 „Konačna jedinična cijena bez popusta ili sa popustom u KM (ukoliko se popust nudi)“ ponuđač je izvršio ispravku na način da je precrtao raniju cifru i iznad nje upisao novu cifru koju je ponovno precrtao, te je onda ispod nje upisao novu cifru, ali izvršena ispravka nije potvrđena potpisom ponuđača i nema datuma kada je ispravka izvršena.

Izvršene ispravke nisu uradene na zahtijevani način odnosno ponuđač prilikom vršenja ispravke nije postupio u skladu sa zahtjevima koji su dati u okviru tačke 18.1.5 tenderske dokumentacije „Ispravke u ponudi“, gdje je jasno i precizno određen način vršenja ispravki i to: *„Koliko ponuđači vrše ispravke u ponudi, iste moraju biti uradene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema člani 18, stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).*

Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekrži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke“.

Ponuđač „IDS - zdrava sredina“ d.o.o. Sarajevo nije popunio član 3. Načrta okvirnog sporazuma, te time nije postupio u skladu sa tačkama 32. i 37. tenderske dokumentacije, kojima je definisano da su ponuđači obavezni popuniti i potpisati nacrt Okvirnog sporazuma odnosno da su dužni uz ponudu dostaviti potpisan (na

predviđeno mjesto) Naert okvirnog sporazuma u koji su unijeli podatke iz svoje ponude.

Obzirom na navedeno, konstatovano je da ponude ponudača „Kristal“ d.o.o. Sarajevo, „U.Institut za zdravlje i sigurnost hrane“ d.o.o. Zenica, „Sanitacija“ d.o.o. Sarajevo, „IDS - Zdrava sredina“ d.o.o. Sarajevo i „Sanacija 3D“ d.o.o. Sarajevo ne ispunjavaju zahtjeve ugovornog organa tražene tenderskom dokumentacijom, zbog čega se ponude ovih ponudača odbacuju kao neprihvatljive a sve u skladu sa članom 68. stav (4) tačka i) Zakona o javnim nabavkama, te neće biti predmet daljeg razmatranja.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a



Direktor

Azra Muzur

Azra Muzur, dipl.inž.grad.

*St
Muzur
Odu*